



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Hermannii Conringii De Antiquitatibus Academicis
Dissertationes**

Conring, Hermann

Helmestadii, 1674

Svpplementvm XLVII. Ad pag. XCI.

urn:nbn:de:hbz:466:1-12929

Qui tria, qui septem, omne qui scibile novit.

Quicquid sit de Alano, reliqui plus satis ostendunt, jam tum seculo duodecimo scholam Theologicam Parisiensem multum floruisse. De ipsa illa tempestate Parisiensis scholæ hæc fuerunt verba Jacobi de Vitriaco Historiæ Occidentalis cap. 7. *Fons hortorum, & puteus aquarum viventium, irrigans universæ terræ superficiem, panem delicatum & delicias præbens Regibus, & universæ Dei Ecclesiæ supernum mel & favum ultra dubiora propinans, Digna tamen etiam sunt lectu, quæ idem Jacobus annedit de malis Parisiensium cum magistrorum tum Studiosorum moribus ac dissidiis.*

Quantumvis autem frequentiâ hominum jam seculis istis abundaverit Parisiensis schola, & Reges ipsos habuerit faventissimos, mirum tamen est, vix superesse ex ævo isthoc scholæ à Regibus concessa privilegia. Et vero prodiit in lumen Lutetiae Parisiorum anno hujus seculi vicesimo quinto libellus hoc titulo: *Privileges donnez & octroyés par les Roys de France, scavoir Philipps de Valois, Charles V, Charles VI, Charles VII, Louys XI, Charles VIII, Francois I, Henry IV, & Louys XIII à l' Université de Paris, supposos, officiers, & Serviteurs d' icelle. En semble les Arrest du conseil privè, confirmatifs des dits privileges, Nisi forte singularem in usum hæc sola sint vulgata.*

SUPPLEMENTVM XLVII.

Ad pag. xcii.

Intra multa Collegia quæ vocantur Parisiensis scholæ, quoniam id quod Navarræ audit est nobilissimum, legi hic mentionur quæ de illo narravit Joannes Mariana Hispanicarum rerum disertissimus scriptor Tomo i. lib. 14. cap. x. *Reginae impensa in eadem urbe Lutetia, schola quæ Navarræ dicitur, ipsa ædificii amplitudine præceptorum auditorumque numero in paucis præstans, extructa est. Septingentos alumnos bonis temporibus Gallie intra*

intra unas aedes habitantes numerasse fama est. Rebus turbatis
vix quingenti erant (quo nos tempore scholas theologicas Lutetiae ex-
plicabamus) quidam eorum publica impensa collegii, plerique collata
de suo stipe vicitantes. Multa quidem etiam dignissima sci-
tu in promptu sunt de aliis etiam collegiis, cum primis de illo
longe celeberrimo, quod Robertus Sorbona Ludovico Re-
ge instituit & nunc quoque illius gaudet cognomento: sed
isthac omnia adferre praeter institutum fuerit.

SUPPLEMENTVM XLIX.

Ad pag. xcii.

Quod diximus de Ottone Frisingense Episcopo, pridem
tradidit etiam Radevicus l. 4. c. 2. de gestis Friderici I.
Imperatoris, quod nempe Philosophorum librorum subtilitatem,
in Topicis Analyticis atque Elenchis, primus ferè nostris finibus appor-
verit. Ideoque in gloriam viri illius merentur à grata po-
steritate legi, quæ ipsemet Otto de Gilberto Porretano
& Abælardo differit l.s. Chronic cap. 46 & sequentibus usque
ad 53: utpote quæ specimen simul aliquod præbeant non vul-
garis in subtiliore Philosophia progressus. De illo porrò
Ottone ita annotavit antiquus quidam scriptor apud Wigiu-
leum Hundium in *Metropoli Salisburg.* pag. 155: *Ad Parisios*
missus, Latinas literas ad præmium naclis Theoriae atque secularis pru-
dentiae: i. e. Artium liberalium Magisterac S. Theologiæ profundis-
simus ac eloquentissimus Doctor effectus est. Dubito tamen, an
huic narrationi tutò liceat fidem habere.

Cæterum ea quidem ætate Aristotelicum nihil praeter libros
Logicos, & ne illos quidem omnes, Latine fuerat versum: nec
alia veterum Philosophiæ auctorum scripta praeterquam unius
Boëthii, Græcum verò nihil, fuerunt in manibus: quapropter
nec ultra illa Logica excurrit ejus tempestatis Philosophica
eruditio, quamvis ad altiora ingenium nonnullis haud de-

Yu 3

fuisse